

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst ("Službene novine Zeničko-dobojskog kantona", broj 7/10) i člana 3. stav o) Programa utroška sredstava Budžeta Zeničko-dobojskog kantona za 2015. godinu planiranih na razdjelu Ministarstva za boračka pitanja, a na prijedlog Ministarstva za boračka pitanja, Vlada Zeničko-dobojskog kantona, na 15. sjednici, održanoj 25.06.2015. godine, d o n o s i

ZAKLJUČAK

o usvajanju Programa poticaja zapošljavanja pripadnika braniteljske populacije Zeničko-dobojskog kantona Ministarstva za boračka pitanja Zeničko-dobojskog kantona

I.

Usvaja se Program poticaja zapošljavanja pripadnika braniteljske populacije Zeničko-dobojskog kantona Ministarstva za boračka pitanja Zeničko-dobojskog kantona.

II.

Zadužuju se Ministarstvo za boračka pitanja, Ministarstvo za poljoprivredu, vodoprivredu i šumarstvo, Ministarstvo finansija i Gradska/općinske službe za BiZ da svako u okviru svojih nadležnosti realizuju ovaj Zaključak.

III.

Gradska/općinske službe za BiZ su dužne dostaviti izvještaje o utrošku odobrenih sredstava Ministarstvu za boračka pitanja.

IV.

Zaključak stupa na snagu danom donošenja

Broj: 02-_____/15.
Datum, 25.06.2015. godine
Zenica

PREMIJER

Miralem Galijašević

DOSTAVLJENO:

1x Službe za boračko-invalidsku zaštitu,
Grada/općina u ZDK (putem ministarstva),
1x Ministarstvo za boračka pitanja,
1x Ministarstvo finansija,
1x Ministarstvo za poljoprivredu, šumarstvo i vodoprivredu,
1x a/a.

PROGRAM POTICAJA ZAPOSŁJAVANJA PRIPADNIKA BRANITELJSKE POPULACIJE ZENIČKO-DOBOJSKOG KANTONA MINISTARSTVA ZA BORAČKA PITANJA ZENIČKO-DOBOJSKOG KANTONA

1. UVOD

Ovim Programom utvrđuju se korisnici, uvjeti i način ostvarivanja prava na poticajna sredstva za zapošljavanje braniteljske populacije. Sredstva su osigurana u Proračunu Zeničko-dobojskog kantona za 2015. godinu na razdjelu Ministarstva za boračka pitanja (u daljem tekstu Ministarstvo).

Sredstva poticaja koristiti će se za isplatu dijela troškova i naknada, vezanih za poljoprivrednu proizvodnju – uzgoj malina obiteljskim poljoprivrednim gazdinstvima, upisanima u jedinstveni registar obiteljskih gospodarstava na području grada/općine prebivališta korisnika, a koja zadovoljavaju kriterije propisane ovim programom, odnosno javnim pozivom.

Pravo na potporu, kategorije pripadnika braniteljske populacije utvrđene ovim programom, ostvaruju na vlastiti zahtjev, odnosno temeljem ugovora koje će se zaključiti sa izabranim korisnicima.

2. CILJ

Cilj ovog projekta je dugoročno rješavanje pitanje egzistencije kao i uspješnije potpuno uključivanje u društvo pripadnika braniteljske populacije i članova njihovih obitelji, te poboljšanje ukupne socio – ekonomske slike lokalnih zajednica.

3. SURADNICI U PROVEDBI, GRAD/OPĆINA

1. Breza
2. Doboј Jug
3. Kakanj
4. Maglaj
5. Olovo
6. Tešanj
7. Usora
8. Vareš
9. Visoko
10. Zavidovići
11. Zenica
12. Žepče

4. NAČIN OSTVARENJA CILJA

Davanje poticaja zainteresiranim pripadnicima braniteljske populacije u svrhu podizanja novih zasada malina.

5. CILJNE GRUPE

1. Ratni vojni invalidi.
2. Demobilizirani branitelji, koji su u Oružanim snagama FBiH proveli najmanje 24 mjeseca u periodu od 06.04.1992. do 23.12.1995. godine.
3. Djeca poginulih branitelja do 35 godina života, djeca umrlih RVI i djeca umrlih nositelja najvećih ratnih priznanja, do navršениh 30 godina života.

4. Djeca umrlih demobiliziranih branitelja koji su Oružanim snagama FBiH proveli najmanje 24 mjeseca u periodu od 06.04.1992. do 23.12.1995. godine koja su sa istim živjela u zajedničkom kućanstvu ili ga je isti izdržavao najmanje posljednju godinu dana prije smrti, do navršenih 30 godina života.

Poticaaj može biti dodijeljen samo jednom kandidatu iz jednog obiteljskog domaćinstva.

6. OSIGURANJE SREDSTAVA

Ministarstvo sufinancira projekt u minimalnom iznosu od 300.000,00 KM, u skladu sa proračunskim mogućnostima i brojem opravdanih zahtjeva, a o čemu odluku donosi ministar Ministarstva.

7. IZNOS ODOBRENIH SREDSTAVA PO KORISNIKU I OBAVIJEST SLUŽBI ZA ZAPOŠLJAVANJE

Ministarstvo dodjeljuje sredstva poticaja u visini od *1.200,00 KM po jednom dunumu* , za odobrene zahtjeve, a za nabavku sadnica.

Maksimalni iznos koji se može dodijeliti za poticaaj za jedno obiteljsko domaćinstvo iznosi 3.000,00 KM.

Ostatak sredstava potrebnih za zasađivanje planirane parcele sadnicama malina dužan je osigurati korisnik poticaja vlastitim sredstvima, odnosno sredstvima dobijenim iz drugih izvora.

Svi podnosiitelji zahtjeva kojima budu odobreni poticaji u svrhu podizanja novih zasada malina, po isteku perioda od 36 mjeseci od dana dobijenog poticaja brišu se sa evidencije nezaposlenih osoba.

Gradska/općinske službe dostavljaju obavijest JU Služba za zapošljavanje ZDK o korisnicima poticaja, s ciljem njihovog brisanja sa evidencije nezaposlenih osoba.

8. NAČIN RASPODJELE SREDSTAVA PO GRADU/OPĆINAMA

Sredstva se raspoređuju u skladu sa Programom utroška sredstava Ministarstva usvojenim Zaključkom Vlade Zeničko-dobojskog kantona broj 02-14-10383/15 od 05.05.2015.godine, a prema ukupnom broju pripadnika braniteljske populacije na teritoriji grada / općine u odnosu na broj pripadnika braniteljske populacije na području kantona.

9. NOSITELJ REALIZACIJE PROGRAMA

Nositelji realizacije programa su: Ministarstvo za boračka pitanja Zeničko-dobojskog kantona i gradska / općinske službe nadležne za branilačko-invalidsku zaštitu i poljoprivredu putem Javnog poziva.

10. NAČIN REALIZACIJE PROGRAMA

Gradska / općinske službe nadležne za branilačko-invalidsku zaštitu raspisuju javni poziv, a za podnošenje zahtjeva za ove namjene poticaja zapošljavanja.

Gradska / općinske službe dužne su formirati Komisiju za provođenje ovog postupka, u sastavu od tri člana, od kojih je najmanje jedan član agronom.

Ministar Ministarstva može donijeti Instrukciju vezano za relizaciju Programa poticaja zapošljavanja braniteljske populacije.

11. OPĆI I DODATNI KRITERIJ ZA IZBOR KORISNIKA

11.1.	Opći kriteriji	Potrebni dokumenti
11.1.1.	Pripadnost braniteljskoj populaciji	-Rješenje o osobnoj ili obiteljskoj invalidnini, -Uvjerenje o provedenom vremenu u Oružanim snagama
11.1.2.	Podnositelj prijave je osoba koja mora imati prebivalište na području ZDK najmanje posljednje dvije godine	-Potvrda o prebivalištu izdata od CIPS-a (original ili ovjerena fotokopija); -Potvrda o kretanju izdata od MUP-a -Kopija osobne iskaznice, -Ovjerena izjava o zajedničkom domaćinstvu (kućna lista)
11.1.3.	Podnositelj mora biti prijavljen na Zavodu za zapošljavanje najmanje posljednju godinu, uz redovno javljanje	-Potvrda JU Služba za zapošljavanje – nadležni Biro-a za zapošljavanje
11.1.4.	Nije korišten poticaj kod prethodnog zapošljavanja	-Izjava potpisana od strane podnositelja i – ovjerena od strane općinskog organa
11.1.5.	Ukupni prihodi domaćinstva ne prelaze iznos ½ prosječne plaće u FBiH za 2014.g (416,50 KM)	-Uvjerenje ili drugi dokaz o primanjima za svakog punoljetnog člana domaćinstva sa kućne liste. -Za nezaposlene potvrda sa Biro-a za zapošljavanje, odnosno kopija zdravstvene knjižice za osobe koje nisu na evidenciji
11.1.6.	Podnositelj mora nesmetano raspolagati sa minimalno 2,000 m ² zemljišta na kojem će se uzgajati maline. Ova površina podrazumijeva i nekoliko manjih površina koje zajedno čine minimalno 2,000 m ² .	-Kao dokazni materijal će poslužiti posjedovni list i neka od formi ugovora (ugovor o kupoprodaji, ugovor o zakupu, ugovor o poklonu, ugovor o korištenju, pravosnažno rješenje o nasljeđivanju). -Ugovor mora biti zaključen na najmanje 12 godina. Ako je zemljište u zajedničkom domaćinstvu-u sklopu obitelji posjednik daje izjavu o ustupanju zemljišta na najmanje 12 godina
11.1.7.	Zemljište mora imati pristup stalnom izvoru vode za navodnjavanje (česma, bunar, čatrnja, potok i sl.) ili mora postojati mogućnost navodnjavanja	Stručna Komisija će izlaskom na teren utvrditi da li postoji pristup stalnom izvoru vode, odnosno postoji li mogućnost navodnjavanja
11.1.8.	Podnositelj mora biti upisan u Registar poljoprivrednih gazdinstava	Potvrda nadležne općinske /gradske službe prema mjestu prebivališta da je podnositelj upisan u Registar poljoprivrednih gazdinstava

11.1.9.	U jesenjoj sadnji će zasaditi novi zasad maline sortama Villamet ili Miker, odnosno drugim sortama sa sortne liste BiH	Predračun za nabavku sadnica uz certifikat o zdravstvenoj ispravnosti sadnog materijala sa osobnim podacima podnosioca zahtjeva
11.1.10.	Financijsko učešće korisnika u projektu	Izjava da sudjeluju u nabavci žice, kolaca, sustava navodnjavanja, analize zemljišta i pripremi zemljišta za sadnju, potpisana od strane podnosioca izjave i ovjerena od strane općinskog organa

11.2.	Dodatni kriterij	Bodovi
11.2.1.	Vrijeme provedeno u Oružanim snagama u periodu 06.04.1992.g do 23.12.1995.g	Svaki mjesec =1 bod
11.2.2.	Invaliditet	Svaki 10% =2 boda, (npr. RVI 30%=6 boda)
11.2.3.	Djeca poginulih branitelja do 35.g života, te djeca umrlih RVI i djeca umrlih nositelja najvećih ratnih priznanja do navršanih 30 godina života Djeca umrlih demobiliziranih branitelja koji su Oružanim snagama proveli najmanje 24 mjeseca u periodu od 06.04.1992. do 23.12.1995. godine do navršanih 30 godina života	44 bodova
11.2.4.	Broj članova domaćinstva	Za svakog člana 3 boda
11.2.5.	Prihodi domaćinstva	Domaćinstva bez prihoda = 30 bodova Prihod do 200,00KM = 20 bodova Prihod od 200 do 416,50 KM = 5 bodova

Opći kriteriji su eliminatorni, dok će se dodatni kriteriji bodovati. Na osnovu osvojenih bodova sačinjit će se rang lista. Kada prijavljeni kandidati pri bodovanju imaju isti broj bodova prednost će imati onaj kandidat koji ima mogućnosti za proširenje zasada (dodatno zemljište).

12. PROCES ODABIRA

Proces odabira će se odvijati u dvije faze.

12.1. Prva faza: Administrativna usklađenost prijave

Komisija za odabir, vršit će pregled prijave i provjeru da li je dostavljena sva dokumentacija koja je Javnim pozivom tražena.

Nepotpune prijave se neće uzimati u razmatranje.

12.2. Druga faza: Terenski uviđaj i procjena parcele podnosioca

Komisija će procijeniti točnost informacija navedenih u zahtjevu za poticaj. Uzorci zemljišta uzetih sa parcela podnosioca koji zadovoljavaju opće i dodatne kriterije biti će podvrgnuti pedološkoj analizi zemljišta kod nadležne institucije, a troškove analize će snositi podnositelj.

Ukoliko parcela nije pogodna za uzgoj maline, prijava se neće dalje uzeti u razmatranje.

12.3. Konačni odabir

Svi podnosioci koji uspješno prođu drugu fazu će se rangirati, a rang lista će biti objavljena na oglasnim pločama grada/općine.

Nezadovoljni kandidati imaju pravo podnošenja zahtjeva za preispitivanje utvrđene rang liste koji mora biti obrazložen i utemeljen na dokazima.

Zahtjev se podnosi gradskoj/općinskoj službi najkasnije u roku od osam dana od dana isticanja liste, a općinska služba je dužna podnosioca zahtjeva pismeno obavjestiti o stavu po podnesenom zahtjevu.

Komisija za provođenje postupka dužna je u roku od 30 dana od dana okončanja javnog poziva dostaviti konačnu rang listu kandidata Ministarstvu.

Ministarstvo donosi konačnu odluku o dodjeli sredstava poticaja i transferira sredstva gradskoj / općinskim službama u skladu sa Programom utroška Ministarstva.

Gradska / općinske službe nadležne za branilačko-invalidsku zaštitu na osnovu konačne odluke Ministarstva zaključuju ugovore o podizanju zasada malina sa krajnjim korisnicima.

13. NADZOR NAD REALIZACIJOM PROGRAMA ZAPOSŁJAVANJA

Ministarstvo za boračka pitanja Zeničko-dobojskog kantona i Ministarstvo za poljoprivredu, vodoprivredu i šumarstvo Zeničko-dobojskog kantona vrše nadzor nad realizacijom Programa zapošljavanja.

14. INDIKATORI ZA OCJENU USPJEŠNOSTI PROGRAMA ZAPOSŁJAVANJA

- Odnos podnesenih/ odobrenih zahtjeva,
- Odnos zaključenih /ispoštovanih ugovora,
- Kategorija braniteljske populacije, dobna, obrazovna struktura osoba kojima su odobrena sredstva , koja su realizirala projekat i ostvarila pozitivan rezultat,
- Planirano/ugovoreno/utrošeno sredstava po Programu

Broj: 02-_____/15.

Datum, 25.06.2015. godine

Zenica

PREMIJER

Miralem Galijašević

DOSTAVLJENO:

1x Službe za boračko-invalidsku zaštitu,

Grada/općina u ZDK (putem ministarstva),

1x Ministarstvo za boračka pitanja,

1x Ministarstvo finansija,

1x Ministarstvo za poljoprivredu, šumarstvo i vodoprivredu,

1x a/a.